



Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas e do seu deputado, Patricia Otero Rodríguez, Martín Seco García, Matilde Begoña Rodríguez Rumbo e Leticia Gallego Sanromán, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate en Pleno.

A finais de decembro de 2021 os traballadores e traballadoras da planta de Alcoa en San Cibrao aceptaban a proposta da multinacional de cesar a produción de aluminio primario e posterior rearranque das cubas.

A proposta de parar as cubas de electrolise durante 24 meses implicaba o compromiso da empresa de traballar con subministradores de enerxía para acadar a medio e longo prazo (PPAs), que entrarían en vigor en 2024 e cunha vixencia de 10 anos.

Creouse tamén unha mesa constituída polos representantes legais dos traballadores, empresa, Xunta de Galicia e Goberno central para analizar e facer seguimento dos compromisos adquiridos por todas as partes.

A Xunta de Galicia e o Goberno de España deben de acompañar, axudar e cumprir os seus compromisos para que, como moi tarde, o día 1 de xaneiro de 2024, as cubas estean operativas ao 100 %.

Para que ese rearranque sexa unha realidade é preciso, que se facilite, por parte do Goberno galego, a tramitación dos parques eólicos que blinden o subministro enerxético a Alcoa a prezos competitivos. Estes novos parques eólicos débense de desenvolver dun xeito ordenado, con control, respectando os dereitos das persoas propietarias dos terreos, os espazos naturais sensibles e as zona de aproveitamento agrícola e gandeiro, e con retorno no propio territorio.

Por iso, o Grupo Parlamentario dos Socialistas de Galicia, presenta a seguinte proposición non de lei:





O Parlamento de Galicia insta a Xunta de Galicia a facilitar a tramitación dos parques eólicos que sexan necesarios para que o prezo da enerxía sexa competitivo para a planta de Alcoa en San Cibrao.

Pazo do Parlamento, 19 de outubro de 2022

Asinado dixitalmente por:

Patricia Otero Rodríguez na data 19/10/2022 13:44:57

Martín Seco García na data 19/10/2022 13:45:11

Matilde Begoña Rodríguez Rumbo na data 19/10/2022 13:45:26

María Leticia Gallego Sanromán na data 19/10/2022 13:45:43

Luis Manuel Álvarez Martínez na data 19/10/2022 13:45:54

